

## UPUTSTVO ZA PACIJENTA

**HYDROCYCLIN**  
**(10 mg + 30 mg)/g**  
**mast**

**hidrokortizon, oksitetraciklin**

*Prije upotrebe lijeka pažljivo pročitajte ovo uputstvo!  
Uputstvo sačuvajte. Možda ćete željeti ponovo da ga pročitate.  
Ako imate dodatnih pitanja, obratite se svom ljekaru ili farmaceutu.  
Ovaj lijek je propisan lično Vama i ne smijete ga dati drugome.  
Drugome ovaj lijek može da škodi, čak i ako ima znake bolesti slične Vašima.*

**Uputstvo sadrži:**

- 1. Šta je lijek HYDROCYCLIN i za što se koristi**
- 2. Prije nego počnete uzimati lijek HYDROCYCLIN**
- 3. Kako uzimati lijek HYDROCYCLIN**
- 4. Moguća neželjena dejstva**
- 5. Kako čuvati lijek HYDROCYCLIN**
- 6. Dodatne informacije**

### **1. ŠTA JE LIJEK HYDROCYCLIN I ZA ŠTO SE KORISTI**

HYDROCYCLIN (10 mg + 30 mg)/g mast

1 g masti sadrži: hidrokortizona 10 mg i oksitetraciklin-hidrohlorida 30 mg

HYDROCYCLIN mast sadrži dvije komponente: hidrokortizon i oksitetraciklin.

Hidrokortizon je lijek iz grupe kortikosteroida koji se upotrebljava za smanjenje znakova zapaljenja na koži koja nastaju usljed alergije, infekcije ili povrede.

Oksitetraciklin pripada grupi lijekova koji se zovu tetraciklinski antibiotici. Upotrebljava se za liječenje infekcija izazvanih bakterijama i nekim drugim mikroorganizmima.

HYDROCYCLIN mast se upotrebljava za liječenje sljedećih oboljenja:

- zapaljenske promjene na koži (kao što je ekcem),
- alergijske promjene na koži (npr. nakon kontakta sa određenim kozmetičkim preparatima, biljkama ili lijekovima),
- promjene na koži nakon uboda insekta sa naknadnom infekcijom.

### **2. PRIJE NEGO POČNETE UZIMATI LIJEK HYDROCYCLIN**

*Upozorite ljekara ako uzimate druge lijekove, imate neku hroničnu bolest, neki poremećaj metabolizma, preosjetljivi ste na neke od lijekova ili ste imali alergijsku reakciju na neki od njih.*

#### **• Nemojte uzimati lijek HYDROCYCLIN**

Lijek HYDROCYCLIN ne smijete koristiti u sljedećim slučajevima:

- postojanje alergijske reakcije (preosjetljivost) na neku od komponenti preparata, koja se mogla ispoljiti u vidu svraba, crvenila kože ili otežanog disanja;
- infekcije kože koja se manifestuju u vidu plikova ili žutih krusti (primarne bakterijske infekcije) kao što su impetigo, piodermije, furunkuloza,
- trudnoća,
- dojenje,
- dječiji uzrast do završetka procesa nicanja stalnih zuba.

Ako se bilo šta od gore navedenog odnosi na Vas, posavjetujte se sa svojim ljekarom.

#### **• Budite oprezni s lijekom HYDROCYCLIN**

Izbjegavajte dugotrajnu ili često ponavljaju primjenu HYDROCYCLIN masti jer može doći do preosjetljivosti na mjestu primjene. Ako u roku od 7 dana, ne dođe do ublažavanja simptoma bolesti ili ukoliko se javi nova infekcija otpornim bakterijama ili gljivicama, prekinite sa primjenom lijeka.

Ukoliko namjeravate da ovim lijekom tretirate velike površine kože ili lijek primjenjujete pod okluzivnim zavojem, posavjetujte se sa ljekarom ili farmaceutom.

*Ukoliko niste sigurni da li se nešto od navedenog odnosi na Vas, porazgovarajte sa ljekarom ili farmaceutom prije primjene lijeka HYDROCYCLIN.*

- **Uzimanje drugih lijekova s lijekom HYDROCYCLIN**

*Imajte u vidu da se ove informacije mogu odnositi i na lijekove koje više ne pijete, kao i na lijekove koje planirate da uzimate u budućnosti. Obavijestite svog ljekara ili farmaceuta ako uzimate, ili ste do nedavno uzimali neki drugi lijek, uključujući i lijek koji se nabavlja bez ljekarskog recepta.*

Lijek HYDROCYCLIN ne bi trebalo da ima efekte na bilo koji drugi lijek koji uzimate. Ukoliko imate nekih nedoumica u vezi sa istovremenom primjenom drugih lijekova, posavjetujte se sa svojim ljekarom ili farmaceutom.

- **Uzimanje hrane i pića s lijekom HYDROCYCLIN**

Uzimanje hrane ili pića ne utiče na dejstvo lokalno primjenjenog lijeka HYDROCYCLIN.

- **Trudnoća i dojenje**

*Ukoliko ste trudni, namjeravate da zatrudnite ili ukoliko dojite posavjetujte se sa svojim ljekarom ili farmaceutom prije započinjanja primjene ovog lijeka.*

Nemojte primjenjivati ovaj lijek ako ste trudni, ukoliko pokušavate da zatrudnite ili ako dojite. Posavetujte se sa svojim ljekarom.

- **Upravljanje vozilima i mašinama**

Lijek ne utiče na sposobnost upravljanja motornim vozilom i rad sa mašinama.

- **Ostala upozorenja**

**Šta morate znati o pomoćnim supstancama koje sadrži lijek HYDROCYCLIN**

Lanolin može izazvati lokalne reakcije na koži (kontaktni dermatitis).

### **3. KAKO UZIMATI LIJEK HYDROCYCLIN**

*Ukoliko mislite da lijek HYDROCYCLIN suviše slabo ili jako djeluje na Vaš organizam, treba da se obratite vašem ljekaru.*

Lijek HYDROCYCLIN uzimajte uvijek tačno onako kako Vam je to objasnio Vaš ljekar. Ako niste sasvim sigurni, posavjetujte se sa svojim ljekarom ili farmaceutom.

*Odrasli i starije osobe*

Pažljivo očistite oboljelo mjesto na koži, a zatim nanesite tanak sloj masti, 2 do 4 puta dnevno. Mast možete nanijeti sterilnom gazom u slučaju prisustva infekcije.

Ne prekidajte sa primjenom HYDROCYCLIN masti čim primjetite prve znake poboljšanja na tretiranoj koži. Ukoliko nakon 7 dana od početka terapije ne dođe do poboljšanja, obratite se ljekaru.

Ovaj preparat je namijenjen isključivo za spoljašnju upotrebu. Ne treba ga upotrebljavati za liječenje infekcija oka.

*Djeca*

Primjena HYDROCYCLIN masti se ne preporučuje.

- **Ako uzmete više lijeka HYDROCYCLIN nego što ste trebali**

HYDROCYCLIN mast je namijenjena isključivo za spoljašnju upotrebu. Ukoliko slučajno progutate bilo koju količinu HYDROCYCLIN masti, odmah obavijestite svog ljekara ili kontaktirajte najbližu službu hitne pomoći.

- **Ako ste zaboravili uzeti lijek HYDROCYCLIN**

U slučaju da ste zaboravili da uzmete lijek, samo nastavite sa terapijom kao i do tada.

- **Ako prestanete uzimati lijek HYDROCYCLIN**

U slučaju naglog prestanka primjene lijeka ne dolazi do neželjenih posljedica.

*U slučaju bilo kakvih nejasnoća ili pitanja u vezi s primjenom lijeka HYDROCYCLIN obratite se svom ljekaru ili farmaceutu.*

### **4. MOGUĆA NEŽELJENA DEJSTVA**

*Kao i svi drugi lijekovi i lijek HYDROCYCLIN može izazvati neželjena dejstva, iako se ona ne moraju ispoljiti kod svih.*

Tokom upotebe HYDROCYCLIN masti može doći do neželjenih reakcija na mjestu primjene u vidu:

- peckanja,
- svraba,
- iritacije,
- suvoće kože,
- kožnog osipa ili alergijske reakcije,

- akni (bubuljica),
- stanjenja ili omekšanja kože,
- širenja ili pogoršanja infekcije,
- zapaljenja korijena dlake (folikulitis),
- pojačane maljavosti (hipertrichoza),
- bijelih pečata po koži (hipopigmentacije),
- osipa izazvanog vrućinom,
- strija (crvene linije po koži).

Nakon prestanka primjene HYDROCYCLIN masti ove promjene se obično povlače. U slučaju da ne dođe do njihovog povlačenja, obratite se ljekaru ili farmaceutu.

Odmah se obratite ljekaru ili farmaceutu ukoliko tokom primjene ovog lijeka primjetite neki od sljedećih simptoma:

- otežano disanje, stezanje u grudima,
- otok kapaka, lica ili usana,
- čvoriće na koži ili tačkasto crvenilo kože praćeno svrabom.

*Ako primijetite bilo koje neželjeno dejstvo potrebno je obavijestiti ljekara ili farmaceuta.*

#### **Prijavljivanje sumnje na neželjena dejstva lijeka**

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

## **5. KAKO ČUVATI LIJEK HYDROCYCLIN**

*Lijek HYDROCYCLIN čuvati van domašaja i pogleda djece.*

Čuvati na temperaturi do 25 °C, u originalnom pakovanju, radi zaštite od svjetlosti i vlage.

Poslije prvog otvaranja čuvati na temperaturi do 25 °C, u originalnom pakovanju, najduže 30 dana.

Rok upotrebe: 3 godine

*Lijek HYDROCYCLIN se ne smije upotrijebiti nakon isteka roka upotrebe navedenog na pakovanju.*

### **Posebne mjere uništavanja neupotrijebljenog lijeka ili ostatka lijeka**

*Neupotrijebljeni lijek uništiti u skladu sa važećim propisima.*

*Neupotrijebljeni lijek ne treba odlagati u kućni otpad ili ga bacati u otpadne vode. Potrebno je pitati farmaceuta za najbolji način odlaganja neupotrijebljenog lijeka, jer se na taj način čuva okolina.*

## **6. DODATNE INFORMACIJE**

### **• Šta lijek HYDROCYCLIN sadrži**

Aktivne supstance: 1 g masti sadrži hidrokortizona 10 mg i oksitetraciklin-hidrohlorida 30 mg

Pomoćne supstance: parafin, čvrsti; parafin, tečni, laki; lanolin; parafin, bijeli, meki.

### **• Kako lijek HYDROCYCLIN izgleda i sadržaj pakovanja**

Izgled: homogena mast žute boje.

Pakovanje:

Tuba 5 g

Aluminijumska tuba otvorenog grla sa pipkom i plastičnim zatvaračem u kojoj se nalazi 5 g masti.

Tuba 20 g

Aluminijumska tuba zatvorenog grla sa plastičnim zatvaračem sa trnom u kojoj se nalazi 20 g masti.

### **• Režim izdavanja**

Lijek se izdaje uz ljekarski recept.

### **Proizvođač**

GALENIKA a.d., Batajnički drum b.b., Beograd, Republika Srbija

### **Proizvođač gotovog lijeka**

GALENIKA a.d., Batajnički drum b.b., Beograd, Republika Srbija

### **Nosilac dozvole za stavljanje lijeka u promet**

GALENIKA d.o.o., Vidovdanska b.b., Banja Luka, BiH

### **Broj i datum dozvole za stavljanje lijeka u promet:**

HYDROCYCLIN mast (10 mg + 30 mg)/g, 5 g: 04-07.3-2-6118/16 od 28.03.2017.

HYDROCYCLIN mast (10 mg + 30 mg)/g, 20 g: 04-07.3-2-6119/16 od 28.03.2017.

**Datum poslednje revizije**  
03/2017